

# ЛЕНИНЭНЬ КИЯВА

ВЛКСМ-нь Мокшэрзянь обкомонт ды Саранскоень ошонь комитетэнь газетаст

СЕНТЯБРЯНЬ

8 чи,  
1935 ие

№ 96 (445)

ЛКСМ

5-й по  
числу югав

## Исторической документт

Весемасторлангонь коммунистической партиянь сех вадря представительтне, фашизмонт ды буржуазиянь лепштыма ало весе человечестванть оляс менсямонзо кис пролетариатонь борцямонзо ветицятне комсь ветее чить заседали Московсо, минек ине родинанть столицасо ды весе лейштязь человечестванть отечествасонть—коминтернань сисемеце конгрессэнт.

Коминтернань сисемеце конгрессэс—весемасторлангонь коммунистической партиянь истямо единствань конгресс, кодамо единства эзь ульне историясонть. Те единствась теэзь Коминтернань вечкевикс вожденть, ине Сталинэнь руководстванзо коряс. Те конгрессэс невтизе минек масторонь пролетарийтнень кеме единстваст капиталистэнь масторонь урекс теэзь пролетарийтне марто.

Коминтернань VII-це конгрессэнт программно-исторической решениятне, докладнэ, делегатнэнь кортамо, конатнесэ невтезь братской компартиянтень, башка коммунистэнь ды комсомолецтнэнь революционной мужеством ды героической борцямост,—весе сын аштит пек скупа материалокс, конань коряс можна тонавтом минек од ломаньтнень интернационализмань духсонть, Ленинэнь Сталинэнь ине теветень преданностень духсо, рабочей классонть врагонзо каршо атак мира борцямонь духсо.

Капиталистэнь мастортнэс пек берянь эрямодонт, вачо ды ништейкс-чиденть, бесправиядонть ды икеле-пелень эрямонт лангс кемемань аразь чиденть конгрессэнт материалонзо парсте чаркодезь, минек од ломаньтне эщо седеяк пек кармить вечкеме эсист родинанть, эщо седеяк пек кармить воспитываться интернационализмань духсонть, капиталистэнь масторонь од ломаньтнень сех кежей врагонть фашизмонт а вечкеме.

Конгрессэнт докладтнэнь, решениятнэнь, кортамотнэнь ды лия материалтнэнь тонавтнемас должен бу саемс пек покш тарка комсомолонь организациятнесэ пропагандистской роботасонть, но те шкас эщо миньтень а нейдяно.

Коминтернань конгрессэнь решениятнень тонавтнеманть марто те шкане, комсомолонь организациятнень эряви пек покш мельпутомс „партиянь закавказской организациятнень историядост вопросонтень“ Берия ялганть докладонзо проработканть.

Бериянь ялганть докладозо—пек питней вклад минек партиянь историядонзо марксистско-ленинской литературанть, косо (докладсонть) невтезь Сталин ялганть пек покш ролезэ Закавказиясо большевистской партиянь, од типень партиянь теemasонть.

Нетъ исторической покш документтнэнь комсомолонь организациятнень эривить содамс, сынст коряс воспитать, тонавтом од ломаньтнень.

Нетъ документтнэнь проработканть коряс указаниятне ды плантнэмаксозь ВКП(б) нь ЦК астонть ды минек комсомолонь организациятнень эряви пользовамсынсь эйсэ.

## Начальной, аволь полной средней ды средней школасо учебной роботанть организовамо ды внутренней распорядкадонть

СССР-нь Народной Комиссаронь Советэнт ды ВКП(б)-нь Центральной Комитетэнт постановленияст

СССР-нь Союзонь Народной Комиссаронь Советэс ды ВКП(б)-нь Центральной Комитетэс школасо эсист зярязь постановлениясо мернест Наркомпростнэнь теэмс школанть единой организационной структура, кемекстамс тонавтицятне ютксо порядканть ды дисциплинанть, парсте организовам учебной весе роботанть ды эрва школасонть теэмс оперативной, конкретной ды дифференцированной руководства.

РСФСР-энь Наркомпросос, истяжо союзной лия республикань Наркомпростнэ те шкас аволь удовлетворительностэ топасть партиянь ды правительстванть нетъ пек важной директиваст. Школань колмо типтнэнь (начальной, аволь полной средней ды средней), конатнэнь тешкстызь СССР-энь СНК-ась ды ВКП(б)-нь ЦК-ась, зярязь таркава полавтнить „ступеньс“ ды „концентрацис“. Учебной плантнэнь ды программатнэнь эрва иене полавтнить, тень эйсэ самая колави школасо наукань основатнэнь ютамонь устойчивостэс ды систематичностэс. Весе те калавты учебной роботанть, дезориентирови учителенть, тень кувалт тонавтицятнэнь знанияст кадришныть эщо яла аволь удовлетворительнойкс, школань прядыцятнэнь жо а эри сатышка анокстамост высшей школасо наукатнэнь ютамонь кис.

Учебной роботанть организовамо тонавтицятнэнь пек перегружают классной занятиясо (чинть 6—7 урок, школань недлянь кой-кона читнестэ жо классной уроконь расписаниятнесэ тешкстызь чаркодемань кис ламо стака предмет.

Тонавтицятнэнь успеваемостэс оценкань системас, конань теизь Наркомпростнэ, а максы содамс тонавтицятнэнь алкуксонь знаниянзо ды тевсэ вети тонавтнемань уровененть алкалгавтоманть.

Наркомпростнэ те шкас эсть нолда тонавтицятнэнь школасо ды аволь школасо прянь ветямонь (поведениянь) правилат, истя жо атак тее школань нормальной уставгак, конаньсэ должен улемс тешкстызь школасо внутренней кеме распорядкас ды кона (уставос) улелель бу школань администрациянтень, педагогнэнтень, школань организациятнэнь ды тонавтицятнэнь руководствакс.

Аволь удовлетворительностэ организоваз эйкакштнэнь школав примамось, тонавтицятнэнь классо-класс ютавомас ды сынст нолдамось. Се, што Наркомпростнэ тешкстызь, што-

бу школав примасто вешемс зярязь эрва кодат документт, теи эйкакштнэнень школав поступлениясонть а эрвикс стака. „Индивидуальной вопросниктнэ“, конат икеле уш тешкстызь вопрос, конатне лангс должен отвечамс тонавтицятнэнь испытаниясо тевсэ ветить испытаниятнэнь значенияст алкалгавтоманть ды а максыт содамс тонавтицятнэнь алкуксонь знанияст.

Наркомпростнэ ды сынст таркань органтнэ, истяжо школань директортнэ (заведующейтне) эсть прима те шкас мерат школасо ванькс-чинь ды ушо ендю порядкань теамань кис, конат

аштить тонавтицятнэнь эйс культурной навикень воспитания пек важной средствакс.

СССР-энь СНК-ась ды ВКП(б)-нь ЦК-ась тешкстызь, што школасо учебной роботасонть нетъ евтэз асатыкснэ кортыть седе, што Наркомпростнэ эзизь чаркоде школанть организовамонь ды кемекстамонь пек важной вопроснэнь, те лиссь секс, што народной образованиянь зярязь роботниктнэ ютксо пед-пед эщо атак машто глупой антиленинской теориясь „школанть куломадо“.

СССР-энь СНК-ась ды ВКП(б)-нь ЦК-ась теить постановления:

### Тонавтиема иенть ды школасо режимэнь организовамодонть

1. Тешкстамс СССР-энь весе школатнесэ учебной занятиянэнь ушодоманть сентябрь 1-це чистэнт ды сынст прядоманть—васень колмо класстнэсэ—июнень 1-це чистэнт, 4—7-це класстнэсэ—июнень 10-це чистэнт ды 8—10-це класстнэсэ—июнень 20-це чистэнт, телень каникулатнэнь—декабрь 30-це чистэнт январень 10-це чис, тундонсетнэнь—кото чить.

2. Тешкстамс 1935-1936 тонавтнемань иестэнт, зоро классной урок должны улемс эрва чистэ: васень ниле класстнэсэ 4 урок чинть (нилеце класстнэсэ нолдамс недлянь кавто чистэ ветень-ветень урок); ветеце—кемееце класстнэсэ—5 урок (ды недлянь кавто чистэ котонь урок). Дополнительной урок тейнемс ансяк трудонь, морамонь, рисовамонь, черчениянь ды физической культурын коряс.

Союзной (РСФСР-дэнт башка) ды автономной республикатнесэ истя жо РСФСР-энь аволь рузонь школатнесэ, теэмс 5-це класстонть саезь, недлянь эщо вейке котоце урок рузонь келенть ды литературанть дополнительной тонавтнемань кис.

Меремс союзной республикань Наркомпростнэнень, штобу сын ВКП(б)-нь ЦК-асо школань отделэнт марто согласованиянь коряс кемекставольть СССР-энь весе школатнэнень учебной вейкедть (единой) плант.

Ошонь ды велень школатнесэ урокнэнь покшолмаст теэмс 45 минутат. Переменатне теэмс истят: васеньсэ, колмоцесэ ды нилецесэ—10 минутат, омбоцесэ—30 минутат, кой-косто можна омбоце ды колмоце переменатнэнь покшолмаст теэмс 20 минутат.

3. Теэмс тонавтицятнэнь примамонь истямо порядка:

Эйкакштнэнь школав зачислениядо заявлениянь примамонть ютавомс июнень 1-нь чистэнт августонь 1-це чинть самс, зачислениянть жо—августонь 10-це чистэнт 25-це чинть самс. Тонавтицятнэнь, прок правила примамс се школанть, кона ашти тетятнэнь-аватнэнь эрямо таркаст маласо.

Кармавтом школань директортнэнь (заведующейтнэнь) теэмс внимательной ды чуткой отношения тетятнэнь-аватнэнень ды эйкакштнэнень, документнэ примамс тетятнэ-аватнэ пельде, школас тонавтнемэ сыцянть марто кортнэзь кармамс содамо сонзэ кувалт эрвикс даннойтнэнь (знаниянь уроненть, шумбра-чинзэ ды лият).

А меремс тетятнэ-аватнэ пельде вешемс школав лия документт ды справкат сетнеде башка, конат эривить закононь коряс (школав примамодонтэ заявления, эйкакшонт иедензэ документ ды справка ливксэнь путомадо).

Наркомпростнэ ды сынст таркань органтнэ, весемень обязательной тонавтнемодонтэ закононть коряс, должны таргамс материальной ответственностэс тетятнэнь-аватнэнь эли сеть ломаньтнэнь, конат отвечать эйкакштнэнь воспитаниянь кис, бути уважительной причинаюмо эйкакштнэнь кучить тонавтнемэ аволь шкасто ды позда.

Тонавтнема иенть ушодовомадо мейле школав эйкакшт можна примамс исключительной случайстэ (бути тетятнэ-аватнэ вешошто тусть лия ошов роботамо).

4. Средней школань кавкоце класстнэс, прок правила, примамс сетнэнь, конат те школасонть прыдызь 7 классонть.

(Поза 2-це страницасо).



# Начальной, аволь полной средней ды средней школасо учебной роботанть организовамо ды внутренней распорядкадонть

СССР-нэнь Народной Комиссаронь Советэнь ды ВКП(б)-нь  
Центральной Комитетэнь постановленияст

(Пезэ)

Класстнэсэ кадомс кавксое кеветешка процент таркат лия школасо сыца танавниятнэ-нень.

5. Тонавниятнэнь, конат вей-ке школасо молить лиятас, со-ответствующей класс при-мамс испытаниявтомо. Максомс школань директоронть (заве-дующеентень) права лия шко-ласо сазь тонавниятнэ юта-томс седе алсе класс, бути то-навтнеме кармамонть мейле, ко-вонь югазь неай, што сон зна-ниянь уровенензэ коряс а ответи-те классонть программань тре-бованиятнэнь.

6. Поткавтомс индивидуаль-ной вопросникень "практиканть, кона ульнесь те шкас, конань пингсэ учителесь икеле уш-тешксты эрва тонавниятнэнь вопрост, неть вопростнэ лангс-отвечамо тонавниятнэ анокс-тамонь коряс, нолдамонь ды лия класс ютавтомань испытан-иятнэстэ проверямс тонавни-ятнэ знаниянзо программань эрва кодамо разделтнэнь ко-ряс.

Родной келень ды математи-кань коряс средней школасо нолдамонь ды лия класс ютавто-мань испытаниятнэсэ письменной роботань тематнэнь теить краенъ-ды областень (покш ошсо-ошонь) народной образованиянъ-отделтнэ ды шкастонзо улест-пачгызь школань директортнэ-нень. Школань директортнэ пре-подавательтнэнь неть темат-нень евтасызь испытаниянъ-чист-тэнь.

7. Тонавниятнэнь, конат парсте прядызь средней шко-ланть, макстнемс аттестатт, ко-нанень сермалемс весе предмет-нэнь коряс отметкатнэнь. Вейке-классто омбоце класс юта-вомсто макстнемс тонавниятнэ-нень успеваемостест ды пове-дениянъ-судост переводной сви-детельстват козонь тешкстамс успеваемостест ды поведениянъ-судост. Нолдамонь ды лия класс юта-вомань испытаниянъ сех парсте макстниятнэнь каземс похваль-ной грамотасо. Средней шко-лань прядыятнэнь, конань основ-ной предметнэнь коряс от-меткаст "отлично" ды лия пред-метнэнь коряс, рисовано, черче-ния, морамо, музыка физкульту-ра) отметкатнэ "хорошо" аволь берянть максомс прават вступи-тельной экзаментэме высший школас вступлениянъ кис, те башка улезз тешкстазэ аттестат-сонть.

ВКП(б)-нь ЦК со школань от-делэнтень Наркомпростнэнь мар-то вейсэ теэмс ды максомс СССР-нь СНК-в кемекстамонь кис весе СССР-сэнтень аттес-татонь ды лия класс ютавомань свидетелствань (национальной эрва кодамо кельсэ) вейке об-разец.

8. Аравтомс школатнэсэ то-навниятнэнь успеваемостест оценкань теэмань истят вете-степенты 1) пек берянь, 2) бе-рянь, 3) посредственно, 4) паро-ды 5) отлично.

Меремс ВКП(б)-нь ЦК нь шко-лань отделэнтень союзной рес-публикасо просвещениянъ Нар-комтнэнь марто теэмс СССР-нь весе школатнэнь тонавниятнэ-

нень успеваемостест нормань обязательной оценкань нормат-истя, штобу знаниянъ секе жо-уровнясь вейкедэсэ оценивался-весе школатнева.

9. Аравтомс, што башка про-ступкатнэнь кис тонавниятнэ-нень панемс могут аняк Наро-дной образованиянъ районной эли ошонь отделтнэнь школань директоронть (заведующеенть) мотивированной представлено-ензэ коряс. Панезь тонавни-ятнэнь школав примамось юта-втинемс обычной порядкатнэ коряс.

10. Меремс союзной республи-кань Наркомпростнэнь орга-низовамс покш оштнэсэ, васняяк Московсо, Ленинградсо, Харьков-со, Киевсэ, — 1935—1936 тонав-нема истэнтэ специальной шко-лат башка режим марто де-

фэктивной эйкакштнэнь ды сеть тонавниятнэнь, конатне секе тев колыть школьной дис-циплинанть, калавтыть тонав-немань роботанть ды эсист антиоб-щественной поведениянъ нол-дыть берянь влияния весе лия тонавниятнэнь лангс. Союзной ре-спубликань Нарком-простнэнь теэмс инструкция неть тонавниятнэнь истямо школас ютавтомадо.

11. Меремс VII ды X-це клас-стнэнь кис специальной испыта-ниянъ теэмадо сеть ломаньтне-нень, конатне а тонавниять шко-ласо, но ули мелест получамс аттестат аволь полной средней эли средней школатнэнь пря-домадо (экстернат). Союзной рес-публикань Наркомпростнэнь теэмс экстернатонть положения.

## II.

### Школань уставдонть ды тонавниятнэнь эсь прянь ветямонь правилатнеде

1. Меремс комиссиянэнь, ко-нань эйсэть—Волин (предсе-дательсэ), Бубнов, Затонский ды Чернушевич ялгатне, школань практической роботниктнэнь мар-то, 1936 иень январень васень чиденть аволь седе мейле теэмс школань эрва типентень уста-вонь проект ды максомс сонзэ СССР-нь СНК-в кемекстамонь кис.

Уставонть должен улемс кате-горической ды овси обязатель-ной характерэзэ, кода тонав-ниятнэнь, истя жо тонавниятнэ-нень так.

Уставось должен улемс осно-вной документэкс, конась нешти эрва типень школанть целензэ-ды задачанзо, школанть орга-низационной структуранзо, шко-

лань администрациянъ, педаго-гтнэнь ды школьной организа-циянэнь праваст ды обяза-ностест, истяжо кемест тешксты тонавнемань режимэнь, ды школасо внутренней распоряд-кань основатнэнь ды тонавни-ятнэнь школасо ды аволь шко-ласо эсь прянь ветямонь прави-латнэнь.

2. Тонавниятнэнь эсь прянь ветямонь правилатнэнь основакс-путомс дисциплинань строгой ды сознательной кирдеманть, преподавательтнэнь, ялгатне-нень ды седе покштнэнь веж-

СССР нь Народной  
Комиссартнэнь  
Советэнь  
председателесь В. МОЛОТОВ

ливой отношениянъ максоманть, культурной намыкенъ кастоманть школьной ды общественной паро-чинть ванстоманть вадря от-ношениянъ, истяжо эйкакшт-нэнь ютксо хулиганстванъ ды антиобщественной поступканъ появамонть каршо решительной бороцямонь мерат.

Союзной ды автономной рес-публикань Наркомпростнэнь аравтомс ды теэмс весе школат-нэсэ (родной кельсэ) тонавни-ятнэ единой типень билет, ко-зонь сермадомс тонавниятнэ поведениянъ основной правилат-нэнь. Школань директортнэнь (заведующейтнэнь) теэмс эр-ва тонавниятнэ лангс сонзэ школасо тонавнеме кармамо шкастонть сазьз ды школанть прядомс личной тев.

3. Теэмс начальной, аволь-полной средней ды средней школань тонавниятнэнь оде-жанъ вейке форма, вейке фор-манть теэмс 1936 иесэ сазьз, икелевгак Московонь, Ленингра-донь, Киевень, Харьковонь ды Минсконь школатнэсэ.

\*\*\*

ОСР-нь Союзонь Народной Комиссартнэнь Советэсь ды ВКП(б)-нь Центральной Комите-тэсь мерить Наркомпростнэнь ды сынт таркань органтинэнь аравтомс важнейшей задачакс инспективованиянъ ды систе-матической оперативной контро-лень организовамонть школанть состоянианзо ды роботанзо лан-гсо, проверякшномс, кода тевсэ ютавтови школадо партиянъ ды правительстванть решениянъ.

ВКП(б) нь Центральной  
Комитетэнь секретаресь  
И. СТАЛИН

## В. И. ЧАПАЕВДЭ ЛЕДСТНЕМАТ

Кемготово иеде икеле 1919 иень сентябрынь 5-це чистэ робчей-классонь врагтнэнь каршо герои-ческой бойсэ сезевсь талантливой полководецэнь, а пелиця коман-дирэнь самородканть, вадря ял-ганть, Поволжьянъ ды Уралонь степень красногвардейской отря-дэнь организаторонть В. И. Ча-паевень эрямо-чизэ.

В.И. Чапаевень ульнэсть органи-заторской пек покш способностен-зэ, кеме энергиязо, партиянъ те-вентень, пролетарской революциянъ те-вентень виев бажамозо. Поволж-ясо гражданской войнанъ перть Чапаев ульнэсть центральной фигу-ракс, конань перька цементсэ ва-ловкшность аволь аняк якстере партизанонь дсбровольческой от-рядтнэ, но Поволжьянъ весе велет-нэстэ беднотасэ. Командиртнэнь, политроботниктнэнь, рядовой боец-тнэнь ды весе эриятнэнь ютксо пек покш авторитетэзэ макссь боецтнэнь ендю изнямонтень кеме-ма, сонсинзэ Чапаевень боевой те-вентэзэ кемема ды вий.

16 иеде мейле ледни мельс Ча-

паевень пек маштозь командова-ниянзо ало бороцямонь кись, сонсь эськанзо лисни кавкстема—косто-саевкишнэсь Чапаевень виезэ, та-лантозо те а пелиця героенть ви-езэ ды инициативазо, конань ле-мензэ ней пек вечкезэ морсить со-циализмань строицянъ миллионт.

Чапаевень виезэ, талантозо ды мудростезэ—те Ленинэнь партиянъ виезэ, кона робчей-классонь вра-гтнэнь каршо бороцямосонть кас-тынзэ кемекстынзэ Чапаевтнэнь.

В. И. Чапаев—икелень унижени-нянъ ды нужанъ церась шачсь бед-ной крестьянской семьясо, неень Чуважонь республикань Чебоксар-ской волостень Буданки велесэ. Чапаевень тетязо ды ледазо наци-ональностень коряс эрзят. Чапае-вень эрямо кизэ истямо жо, кода-мо эрямо велье ламо батрактнэ-нэнь.

„Гражданской войнанъ боевой-читнэстэ, сексень чопода, пизе-мев ветнэстэ, эсь отрядонзо лан-га апак удок ардтнемсэ В.И. Ча-паев вечксь евтнеме эсинзэ ма-ласо сподвижниктнэнь икелень

эрямодонзо, —сермалы Кутяков-ялгась.—Монь эйкакшонь шкам,—мери сон,—ульнесь пек чопода-ды стака. Ламо савсь неэмс ва-чо-чи. Тонавнемс монень эзь са-во, арасель лембе одижа ды сред-стват. Истак савсь кадовомс сер-мас а содыцакс“.

Се лангс, апак вант, што В.И. Чапаев, меремс, эзь получа ко-домок, кода общей, истя жо воен-ной образования, сонзэ ульнэсь пек покш военной талантозо, ку-рок чаркоделизе те-венть ды бое-вой обстановкасэ машсь пек уда-чнойстэ маневрировамо.

Гражданской войнанъ сех стака-читнэстэ, сех стака минутатнэстэ, сон эзь талакале ды пачк мукш-ность стаканть эйстэ-лисема. Те макссь боецтнэнь ендю Чапаевень-виентень фантастической кемема. „Бути Чапаев минек марто, сестэ-изнятань“,—ламо ломанть минек-ютксто истя арсесть ды кортасть,

Чапаев ульнэсь пек честной. Сон-эзизе кирде коронзо кенгелеманть-ды подхалимстванть. Сон эзинзе-вечке сеть ломаньтнэнь, конат-коть весть кенгелесть. Но сон веч-килинзэ сеть ломаньтнэнь, конат-кортасть видестэ. Ламо ломанть, конат эзизэ сода Чапаевень, мекс-бути арасить, што сон ульнэсь гру-бой, аволь тактичной. Те аволь



# Василий Иванович ЧАПАЕВ

(Автобиография-стеноз).

Василий Иванович ЧАПАЕВ  
шачсь 1889 иень январень 28-це  
чистэ Чебоксарской волостень, Че-  
боксарской уездень (неень Чуваш-  
ской республика), Буданка велес.

Василий Ивановичень семиясон-  
зо ульнесь вана кыть: сонсь, деда-  
зо Степан ульнесь эрзя, бедной  
крепостной крестьянин. Эрзя Бу-  
данка велесэ. Тетязо Иван ды ава-  
зо Катя истя жо 1897 иень самс  
эрзясь Буданка велесэ. Модань  
аразь чись Иван Степановичень  
кармавтызе р о б о т а м о о т-  
хожей промысласо—плотничествасо.

Покш церанзо—Чапаевтнэ, Ми-  
хаил, Андрей, сынст ютксо Васи-  
лиесккак тонавтнесь Буданка ве-  
лень прихожей школосо. Но лия  
таркас туеманть марто, сын лот-  
кавтызе тонавтемас, Василий Ива-  
нович Чапаевсь жо кенерсь ан-  
сяк тонадомс азбукань букватнень  
слогонь-слогань ловномо.

Комсь вейкее иестэ Василий  
Иванович урваксь. Козейкак  
сайсь Балакова ошто Пелагея За-  
харова мешканть.

1910 иестэ сонзэ саизь военной  
службав, пехотав. Службасто ве-  
лявтсь унтер-офицеркс.

1912 иестэ Василий Ивановичень  
шачсь церазо АЛЕКСАНДР, конась  
ней служи РККА-нь моторизациянь  
ды механизациянь академиясо.

1913 иестэ шачсь тейтерезь—  
КЛАВДЯ, конась ней эри Самарсо.

1914 иестэ шачсь церазо АРКА-  
ДИЙ, конась курук прядсы летчи-  
кень военной школанть.

Чапаев кеместэ вечкизе семиянзо,  
эйкакшонзо мельга вансь парсте,  
сон ульнесь паро тетякс. Эрзя



чинь эрямосонзэ Василий Иванович  
ульнесь скромной ды чуткой ялга.  
Апак вант сень лангс, што сон уль-  
несь вспыльчивой, но сонзэ харак-  
терзэ ульнесь обходительной: сон-  
зэ эйсэ ульнесь коламо бути вий,  
конась кармавтсь вечкеме ялганзо.

Василий Иванович ульнесь паро  
ялгакс Сонзэ квартирасо ламоксь  
ульнесь ранязь ялганзо Граждан-  
ской войнанть ушодомсто жо сонзэ  
квартиразо теевсь лазареткс.

Василий Иванович ульнесь кри-  
стальной ванькс чинь ломань.

## Кие чумондэс Кудашкинэнь

Краснослободск „Нацмен“ колхо-  
зонь икелень кладовщикесь Кудаш-  
кин Н. И. ютавтсь законтмо 8  
понт ямкст.

Сонсь жо ней работы ревизион-

ной комиссиянь председателекс.

Кие жо чумондсы те „активис-  
тэнт“?

Н. Н.  
М. Н.

видэ, Чапаев ульнесь пек вечке-  
викс ломань. Сонзэ ульнесь кода-  
мо бути виезэ, конань кувалма  
сонзэ вечкизь, кемизь, кунсолость  
сонзэ, маризь сонзэ превосходст-  
ванзо.

Минек мельс ледни вейке эпи-  
зод. 1918 иень сентябры ковсто  
Орловка, Левинка ды Липовка ве-  
летнень бойсэ саемздост мейле  
минек Стенька Разинской полкось  
энярыя част оймесь (те ульнесь  
пек чуросто). Се оймсема шкас-  
тонть минь карминекем налксемэ  
картасо „в очко“. Чапаев пек эзи-  
зе вечке картасо налксеманть.  
Партизантнэстэ кие бути евтась  
Чапаевнэнь, што минь налксетяно  
картасо. Картасо налксиятнень  
ютксо, конат ульнесь од ломанть,  
ульнесь 62 иесэ атя Нафтаев Па-  
вел. Кода Чапаев совась кудон-  
тень, минь кекшник. Нафтаев,  
кона се шкастонть банковась, ка-  
дозсь столенть вакс. Чапаев  
мольсь эйзэнзэ, аламо мурнесь  
ды кевкстни:—Мекс точ налксят  
картасо? Сень кис, штобу налк-  
семс, эли налксемасо емавтомс  
ярмакт? Атясь отвечась, што налк-  
си ярмаконь саемань кис. Сестэ  
Чапаев кевкстизе:—Мезекс тонеть  
ярмактнэ? Тонь пильгеть карцезь,  
ожиат улиты ды пешкят. Атясь  
мери, што велестэ тензэ сермады  
низэ беряньстэ эрямодонзо. Чапаев  
сеск жо макссь распоряжения,  
штобу Нафтаевень нинстэнь ку-

чомс 100 целковойть ярмакт ды  
макссь распоряжения волостной  
советэнтень, штобу сонензэ мак-  
совольть суро. Теск жо Чапаев  
кемest мersь, што бути эшо ма-  
рыс Нафтаевень картасо налксе-  
мадонзо, сестэ сон кучсы сонзэ  
мекев велес прок сонензэ а эря-  
виця ломань. Доброволецтнэнь  
те ульнесь сех покш наказаниакс.  
Пси обшанзо лангс апак вант  
В. И. зярдояк эзизе емавте само-  
обладаниянзо, седеяк пек бойсэ.

Воень шкасто Чапаев пачк уль-  
несь сэтьме ды спокойна. Сон зя-  
рдож эзэ талакале. Событиятнэнь  
трезвойстэ питнень максомась, ви-  
ень соотношениятнэнь видестэ  
питнень максомась, пек спокойна-  
чись—храбростень ды самообла-  
даниянь образец. Эсь тевезэнзэ ке-  
мема—вана кодамоль Чапаев бой-  
сэ.

Чапаев ламо работась эсинзэ  
кадранзо—командиртнэнь каста-  
мост лангсо. Командирэкс аравт-  
несь сонсь (васеньце читнеде мей-  
ле зярдэ командиртнэнь кочкестэ  
промксо) сеть рядовой боецтнэ-  
стэ, конат бойсэ невтсть покш сме-  
калка, выдержка ды смел-чи.

Сон аволь вест мурнинзе пол-  
конь командиртнэнь Потапов ды  
Плясунков ялгатнень бойсэ лиш-  
нойстэ ацирьгалемаст кис. Секе  
шкастонть кепедсь сынст мелест,  
кортась:—Тынь аволь берянь ко-  
мандирт, но тынь ламо ацирьгале-

## ЯКСТЕРЕ АРМЕЕЦТНЭНЬ ПРИВЕТСТВИЯСТ

1918 иень ноябрынь 12-це чи  
Д. Армия.

Минь Гарибальдинь лемсэ омбоце  
кавалерийской полконь эскадрон-  
тнэстэ,—ротэнтэстэ ды командат-  
нэстэ представительтне, пурнави-  
нек те чистэнтэ, толковинек минек  
эйтэ дивизиянь начальниктэ Ч. а-  
пав ялганть туемадо вопросонть.  
Постановили—приветствовать сонзэ  
прок робоче—крестьянской Якте-  
ре армиянь сехте паро борецтэнь,  
велень беднотань успешной орга-  
низаторонть. Апак вант сень лангс,  
што минек чопода степной угольнэ-  
сэ азорокс ульнесь пельс ди-  
кой чопода чись, сон покш успех  
марто маштсь теэмс боеспособной  
полкт, конатне маштсь панемс че-  
хословактнэнь вейке пельде ды  
белогвардеец-казактнэнь—омбоце  
пельде.

Героекс колмоцеле сакшнотанок  
Уральскоентень. Чапаев аволь  
весть Николаевской уездстэ панцин-  
зе контрреволюционной бандатнень,  
конась ашти нежекс весе робоче-  
крестьянской революциянтень.

Ды самай мезень кис приветству-  
емгак вечкевикс вождентэ Чапаев  
ялганть сонзэ храбростень, добле-  
стэнь ды отвагань кис. Евтатанок  
комама ды поддержка ды вештянок  
робоче—крестьянской властэнь  
пельде седе товгак кирдемс мельсэ  
Чапаев ялганть, кода Яктэре ар-  
миянь сехте икелев молиця боецтэнь  
(черькстынеке минь).

Шумбра улезэ всемасторлан-  
гонь робоче—крестьянской рево-  
люциясь! Шумбра улезэ социализ-  
мась! Шумбра улезэ Яктэре ар-  
миясь! Шумбрат улест минек вож-  
дэнтэ!

## Правлениясь а капши

Кочкурово. Ташто Мурзасо „лег-  
кой кавалериясь“ сентябрынь 2-це  
чистэ веть тейнесь проверка, ко-  
нань результатонзо истят:

Галушкин сторожось „ванастась“  
колхозной ули-паро. Легкой кавал-  
ериянь члентнэ сонзэ муизь олго

## ЮНКРОНЬ СЕРМАТ

### Башка эрицятне совить колхозов

Кочкуровань р—н. Мурань  
„Красный факел“-колхозонь комсо-  
молецтнэ, вейсэ колхозонь предсе-  
дательтэ Кафтайкин ялганть мар-  
рто башка эрицятне ютксо прора-  
батывають колхозонь сталинской  
уставонть. Августонь 28-це чистэнтэ  
башка ниле эрицят совастэ колхозов  
Комсомолецтнэ эсь роботаст эщо  
яла ветить, сын борочить сень кис,  
штобу весе честной башка эри-  
цятнэнь совавтомс колхозс.

Колмо ломанть

### Комсомолецтнэ рамсить библиотечкат

Кочкурово. Всемасторлангонь од  
ломанень чидентэ Чемоданов ял-  
ганть докладонзо ловномадо мейле  
Мурань велень 12 комсомолецтнэ  
эстет сермадтасть „Ленинэнь  
киява“, „Эрзянь коммуна“ ды „Во-  
лжская коммуна“ газетат.

Истяжо рамсест Карпинскоень  
„Беседы о ленинизме“ ды лия  
книгат.

Комсомолецтнэ кармасть кепе-  
деме эсист политикас содамост.  
Л, ды М. Д.

### Стувтозь работа

Кочкурово. Мурань велесэ умок  
уш организовазь осоавиахимень  
кружок. Тосо ули мелкокалиберной  
винтовка ды 4 противогазт. Но  
сынст кияк а токшесынзе таркас-  
тост.

Руководителесь Байгушкин И. Т.  
стуатынзе осоавиахимень 8 члент-  
нэньгак ды военной тевень тонав-  
тнемантьгак.

Т. А.

потсто удомсто. Тень коряс сер-  
мадозь актось максозь правлениясь.

Истяжо правлениянтень мерезь  
саемс роботасто 75 иесэ Миряш-  
кин сторожонть.

Нестеров.  
Ламбямин.  
Полежаикин,

пес.

Соболева станицанть виев бойтэме  
саемадо мейле Кутяков организо-  
вась разведка. Разведкась пачтась  
куля, што 5—7 километрань тар-  
касто сон эзэ нее киньгак.

Кутяков сесте мерсь:—Берянь  
разведчиктадо, бутитынь киньгак  
эзиде нее. Кутяков тердсь эстензэ  
11 ломанть политбоецт (сынст ютксо  
миньгак—Иван ды Петр) ды яво-  
лявтсь:—Тынь монь марто моль-  
тадо васоло разведкас. Тесэ Собо-  
левасо решаи минек судьбанск,  
эли минь весе емадано, эли минь  
допрок маштсьнекем казактнэнь.  
Истямо заданиязо Чапаевень. Эли-  
неке кенере ютамо 4—5 километ-  
рат, сундерегадомсто минь неинек  
аволь казаконь полктнэнь минек  
частьтнень домка латкова удалов  
молемаст. Кутяков ялгась личной  
конвойстнэнтэ сайсь вейке ломань  
ды тусь Подмарево станицанть енов,  
миненек жо мерсь пеке лангсо  
шожджоньзэ молеми Соболева  
енов ды ваномс неприятелень  
молеманзо мельга, седе парсте со-  
дамс, зяро неприятелень пулемет-  
тонзо ды орудиянзо, пель часто  
мейле получададо эщо распоряжэ-  
ния. Эзюта ниленьгемень минут-  
как Кутяков ялганть ординарецзэ  
Панарин ардсь ды мерсь, штобу  
минь а неязиксстэ молевлинекем тик-  
шень стогатненень, косо учость  
эйсэнэке лишметне. Панарин мине-

(Пезэ 4-це полосасо)



## Советэнь союзга

### Овтось дружи ломанень марто

Облудье станциянь робочей Гордеев ялгась пачти куля ломань марто овтонь пек паро ялгаксенамадо. Истят тевть эрять чуросто. Зярыя иеть сон роботась сень лангсо, штобу ломаньтненень тонавтомс дикой животнойть ды нармунть. Вейке овто левксэнь Гордеев трясъ 3 иеть. Овтось пек преданной эсинзэ азоронтень, мартоно тайгав якси охотас. Зярдояк эзь ульне, истя, штобу овтось, тайгаванть яказы, кадовлизе охотникенть, сон эрва зядо мекев сыль кудов Гордеевнь следганзо

(„Тихоокеанская звезда“).

### Электрической агрегатсо ревень нарамо

Саратовской краенъ ревень совхознэзэ реветнень нарсить электрической агрегатсо.

Агрегатсонть 30 васонь пеельть ды ве шкасто может нарамс 30 реветь. Чинть сон нары малав омбоце пель тыща реветь.

Нарамодо мейле ютко шкасто агрегатонть динамошинась можна нолдамс фермань валдолгавтомо ды совхозонть лия тевс.

Седе башка, што электрической агрегатсо нарамось моли седе бойкасто, сон эщо кельсэ нарамонтъ коряс сая седе ламо понат (100 эли 200 лишной грамт эрва ревестэнь).

(„Коммунист“).

### В. И. Чапаевдэ ледстнемат (ПЕЗЭ)

нек евтнесь, што Кутяков ялгась ординарецнэзэ марто мольсь 300 казактнэнь ды зярыя бомбань ертомасо талакавтынзе казактнэнь. Казактнэ ансяк зярыя минутодо мейле чаркодсть, што Кутяков ульнесь ансяк кавто ординарец марто ды кармасть Кутяков мельга ардомо, ульнесь уш поза.

Соболевая велявтомодо мейле Кутяков ялгась евтась Чапаевнэнь седе, што казактнэ молишь минек частьтнень удалов.

Сельгень прамс ульнесь пурназь весе командиртнэ. Сынь получасть Чапаевень ды Кутяковонь пельде личной приказ—весе пехотанть кучомс Соболевань окраинав обеденов, пелеве енов, косто учовсь казактнэнь самот, кадомс обозниктнэнь ды Чаган леенть лангс арвтомс кавто пулеметт ды чуросто леднемс. Алсукскак операциясь лиссь пек вадра. Ветъ час малав обед енсто, ков ульнесь кучозь минек главной вийтне, казактнэ колоннасо, взводонь—взвод мольсь на ступленияс. Сень лангс апака вант, што сынь ульнесь маласо, Кутяков эзь мере леднеме (минь мадник канавас).

Седеесъ седе тов эзь кирде. Косо бути паркстась лишме. Кутяков кежень пачк тошкстась месъ бути се лишментъ коряс, сонсь етась канаванть чирес ды максь команда „Огони“. Талакадозь чийця казактнэнь леднемаст минекс кодамояк зыян эзь тее. Ледник валскес. Ансяк ашолгадомодо мейле можна ульнесь неемс весе страстенъ. Минек эзь маштов вейкеяк ломаненъ, ранявсь 8 ломанть. Минек позициятнэстэ 10 12 саженьшкань таркасо

## Од Мурзанъ комсомолонь организациядонть

Од Мурзанъ комсомолонь организациясь (Кочкурованъ р-н) допрок сезевсь колхозонь производстванть эйстэ. Сынь бути якить как роботас, то невить сех берянь примерт, бригадава сермалить раужо лас, сынь эсть карма улеме сех парсте роботыцякс. Комсомолецтнэ овси кодамояк участия а примакшныть велесэньтэ ды колхозонтэ хозяйственно-политической кампаниятнень топавтомасост. Ветъ бути ВЛКСМ-ень ЦК ань XI-це пленумось мерсь, што комсомолонть основной роботакс ашти политиковоспитательнсий, культурной роботас, то те овси а корты седе, што а эрва улемс производствос сех паро роботникекс, икеле молициякс.

Од Мурзанъ комсомолонь организациясонть арась внутрисоюзной, политико-воспитательной ды культурной роботаяк. Пек беряньтэ тевесъ ашти громкстэ марто. Сынь пурнакшносъ кодаяк случайно, эйзэст ай анокстакшныть, седесть промкстнэ сезевкшныть, секс, што теде эли кияк а соды эли содытькак, но а сакшныть. Комсомолецтнэ ютксо пек берянь дисциплинась. Промкстнэзде сайдяно кавто примерт. Пурнасть промкс июлень 6-це чистэнь, эрваоль бу ушодомс 6 чассто, но ушодызь 10 чассто. 28 комсомолецтнэ эйстэ састь ансяк 10 комсомолецтнэ ды ульнесь 13 аволь союзной од ломанть. Зярдэ кежкстизь комсоргонтэ Соськинэнь, кодат впростнэ, сон мерсь, што промксонь председателесь Буякин евтасы. Тонак мезеяк эзь сода. Талностъ-шалностъ, севностъ пеле вес ды истяк тукшностъ. Омбоце промкс пурныксэльть августонь 10-це чистэнь. Впрост истяжо арасельть анокстэз. Комсоргосъ Соськин учось-учось, но

кияк эзь пурнаво ды седе мейле те шкас арасель вейкеяк промкс.

Сень лангс апака ванно, што комсомолецтнэ овси кодамояк робота а ветить аволь союзной од ломаньтнэнь, од тейтертне ютксо, яла теке зярыя од церат ды од тейтерть колмо ковдо теде икеле макссть заявленият комсомолс совомодо. Но сыньтэ заявлениятне те шкас эщо яла апака ванно.

„Комсомолонь хозяйства“ эрва меремс, кодамояк арась. Костояк а муят а протоколт, а месъ. Ламо комсомолецтнэ арась учетной ды личной карточкаст. Ламо комсомолецтнэ арась билетэст. Организациясонть ловныть 28 ломанть, сыньтэ ютксо улить просто случайной, педязь ломанть, конат истяк лемдизь прят комсомолецтнэ ды весе. Билетэст, личной ды учетной карточкаст арась. Куркин Михаил комсомолецтнэ отказась билетэнь эйстэ, эзизе сая, сонзэ жо ловить комсомолецтнэ.

Комсомолецтнэ пек беряньтэ ванстыть комсомольской билетэст. Ульнесь ВЛКСМ-ень ЦК анть решения комсомолонь билетнэнь парсте ванстамодо, ванкстэ кирдемадо. Но тосо теде мезеяк а содыть. Секс зярыя комсомолецтнэ билетэст ваднезь, рудазовт, ванставить косо понгсь, весе тень кувалт сех берянь примерэкс ашти Аядюшкин Алексей комсомолецтнэ.

Улить истят комсомолецт (Аядюшкин А., Соськина Аксенья), конат эсть пандо членской взност 1932-1933 иетнэстэ саязъ те шкас. Курочкин М., Ведяшкин В., Войнов Ф. ды лият эсть пандо 8 квот. Гондуркаева Акулина членской взност эзь пандо весе 1934 иенть ды те иенть кис. Сонськак комсоргосъ Соськин эзь пандо весе 1935 иенть перть. Членской взност марто тевесъ истя безобразнойстэ ашти секс, што арась тосо тень кис ответственной, эсть ававто членской взносонь пурныця.

Комсомолецтнэ ютксо политонавтнема, культурно-воспитательной робота арась, комсомолецтнэ а чаркодить неень шкань миксх элементарной впростнэсэ.

Од Мурза велесъ ули пионерэнь отряд. Эйсэнзэ 100 эйкакшт. Но те отрядосъ истя жо овси а роботы. Комсомолонь организациясь а лезды. Истя жо, кода комсомолецтнэ ютксо, пионертнэ ютксо яксы хулиганства, сынь эрва кува сермалить визыкс валт, турить ды лият. Отрядонь вожа тоесъ Гондуркаева Акулина месъкак а тейни.

Весе нетъ примертнэ пек кеместэ лоштит Кочкурованъ комсомолонь райкомонтэ ланга, сынь невить, кода райкомось бороши ВЛКСМ-ень ЦК ань XI-це пленумонтэ решениянзэ тевс ютавтоманть кис, кода ютавты перестройканть, кода живойкс, интереснойкс теи комсомолонь роботанть. Ды Од Мурзанъ комсомолонь организациясь районсонть истямо аволь ськамонзо. А седе парсте ашти тевесъ тосонь лия велетневаяк. Секс, што райкомось формально ваны XI-це пленумонтэ решениянэнь топавтоманть лангс, комсомолонь ды од ломанень массатненень толковамонтэ лангс. Первичной организациятне лангсо живой руководства комсомолонь райкомонтэ арась. Теде пек парсте корты Од Мурзанъ организациянь примерэс.

Л. И. Корьмин

## Лия масторга

### Кельмевтэзь обезьяна

Голливудесэ (США) аволь пек умок Виллард химикесъ журналистнэ икеле тейсь интересной опыт. Химикесъ опытанть ниле чиде икеле путье обезьянанть ледникс. Обезьянась кельмекшнесь ды кулошность. Химикесъ опытанть те емстэ кедензэ алсв нолдась особой вещества—адреналин-хлорид. Допрок кельмезь обезьянась панжизе кургонзо, мейле аламонь-аламонь кармасть неведе живиямонь лия признакт. Обезьянанть версь лия составонь, истя жо гормонсто препаратонь нолдамодо мейле, сон кармасть кирнявтнеме ды ардтнеме истя, кода „куломадонзо“ икеле. („Пионер“, Курская область).

### Фашизманъ „кемень заповедьт“

Италия Восточной Африкав чернорубашечникенъ отрядтнэнь провожамсто, сыньтэ ульнесь явшезь фашизманъ „кемень заповедьт“ конатнэнь ютксо улить истят:

„Муссолини зярдояк маньякшны“ „Бороцяк, тонь изнявксесь карми улеме“.

„Зярдэ зэркставить пушкатне, чернорубашечниктнэ нейсызь эсирт лангето Муссолини покш образонь отпечаткитъ, конась ашти воинэнь арсмань гигантской воплощениякс. Ды чернорубашечниктнэ, страшнойть ды пек мизыйть, синтресъзъ весе мешкятнэнь, бомба марто, пейсэст кинжал марто ды седейсэст пелемань царственной презрения марто.“

(„Дейли телеграф“).

### Велесъ микшневи торговазъ

Германия. Верхней Франконисэ. Вайерхоф велесэнь, ламо иде икеле ульнесь теэзь ткацкой издечичнь аволь покш промысловой кооператив, конатнэнь совастъ велесэнь почти весе эриятне. Кризисэнь марто кооперативесъ обанкротилсэ. Сонзэ долкитэ ламо миллионт маркат. Кредитортнэ тейсть арест весе товартнэнь, кудотнэнь, модатнэнь ды велень эриятнэнь весе движимой имуществаст лангс. Торговамотне, конатнэнь понгсь весе велесъ, карми улеме малавикс читнэстэ.

(„Трибюн де насион“).

### Единой фронт

Бельгиянь зярыя ошсо теэзь социалистической од ломаньтнэнь ды комсомолонь единой фронт тюрмас пекстэзъ салдатнэнь ванстоманть кис, войнань ды фашизманть каршо бороцямонь кис.

Лия масторонь газетатне пачтитъ куля, што Весемасторлангонь од ломанень XXI-це чинть ютавтоманзо марто Варшавасо сентябryanь 1-це ды 2-це читнэстэ ульнесь коммунистической зярыя массовкат ды демонстрацият Полициясь кайсевкшнесь делегатнэ лангс ды зярыя ломанть арестовась. Теде башка, газетатне пачтитъ куля седе, што ошонтэ зярыя таркава ульнесь ертнэзъ коммунистической листовкат.

Ответ. редакторось М. ЛЮБАЕВ.

Главито № 1385 Заказ № 2625 Тираж 2162.

С. Саранск типография „Красный Октябрь“ Мордгиза

И. В. ды П. В. Шапошниковт.